



22№

урасьом 19 лун

2016 во

Керес

Югыд Изьва юлön шуйга берег вылын, кыр йылын, гажа да мича местаын, кык нэмысь дырджык олö ичöтик важся коми грезд Поромес. Сылön историяыс заводитчö дас көкъямысöд нэмын, кор Изьваса слöбöдаысь вöралан-кыйсянинъяс корсигөн катöмаöсь ю йылö куим вок: Петыр, Антип да Аким. Дыр найö корсьöмаöсь бур местасö. А кор аддзöмаöсь (тайö вöлöма 1763 воын), чужöма грезд. Поромессянь Ухта карöдз 120 километр.

Поромеслы паныд Изьвалön веськыд берег вылын вöлöма нöшта öти грезд — Керес. Ассьыс кадсö сийö кутöма лыддыны 1926 восянь. Зэв бур тані вöлöма овны: матын гырысь шоръяс, гөгөр небыд туруна паськыд видзъяс, көні йирсьылöмаöсь мөсьяс да вöвъяс, вöрын быдмöма уна пöлöс вотöс, абу колöма ылын тшакавны.

Но йöзлысь бур олöмсö дзугöма война. Кересын сэкса кадö вöлöма дас öти керка. Сьöкыд лöма овны Керес грездын. Ньöжйöникön олысьяс вуджöмаöсь Изьвалön мöдар берегö. Кересын кольöмаöсь овны сöмын пöль-пöчъяс. Тадзи 1956 воын томиник грезд дзик тыртöммöма. Öнйя кадö тані позьö аддзыны джуджыд öшмöс гуяс, важ гöрбыльтчöм потшöсьяс, керкаяслысь подув.

*Кирилл КАРПУШИН, Сосногорска 3 №-а шöр школаын велöдчысь.
Велöдысь — Наталья Васильевна ЖАЛСАНОВА.
Снимокыс Марина КАРПУШИНАЛÖН.*



ВЫЛЬ НИМ



Мария Шахова чужис 1997 вося январ 6-өг лунö Кекур грездын. Пожөгса школаын велөдчигөн заводитöма тэчны кывбуръяс. Гижан туй выlö чуйгöма батыс — композитор Михаил Шахов. Сийö вöзйöма гижны кывбур аслас шылаг горö. А бöртигжык Мария ветлывлöма школаса литературной кружокö, коми кыв да литература велöдысь Елена Александровна Игнатова горö.

Öни Мария велöдчö Сыктывкарса канму университетын 1 курсын.

«Кыськö лов пиысь гижöдтор петас...»

Мария ШАХОВА

Арся войö

Мыйкö вунлöмтор арся вой шöпкö.
Эзысь тöлысьнас шензя, ог узь.
Сöстöм сынöдөн бвласянь öвтö.
Войыс кöдзыд, а вывти на кузь.

Эзысь тöлысьыс мыйкö да сетас.
Дыр нин шобрöдлö, эг аддзыв вöт.
Кыськö лов пиысь гижöдтор петас —
Дженьыд кывбур, а сы бöрся мöд.

Арся пемыдыс мөвпгясөн сөвтö,
Мыйысь ёнджыка сьöктаммö лов.
Мыйкö вунлöмтор дум выlö чöвтö —
Муса мортöс, код важöн оз ков.

Ичöтдырся кадöй, ыджыд мамлөн шаньга...
Коркö чойöй-вокöй ыдждöдлiсны: «Кага».
Öни чöвтны-куртны абу нин ме дзоля,
Мед жö эськö мортыд вит арöса колян.

— Мамö, пожъясь öтнад, ворсны кайла.
— Он мун, меным отсасышт.
— Мамö, пожъясь öтнад, ворсны кайла
И бöр локта. — Водзсаси.

Сийö луныс коли качай дорын...
Юрын кадыс вожъясьö.
Кызь во мысти вои Эжва дорö —
Мамö век на пожъясьö.

Ань

Век йирис сьокыд олөм аньсө,
И сийө кусіс, кыдзи би.
Зэв бура төдлім бурсө, шаньсө
Да шогсям сиктын ставөн ми.

Шань верөс война вылө усис,
И пиянлы сэн воис пом.
Эз чеччыны тай найө гусьыс,
Эз ло тай сьөлөм бара том.

Сідз курыд шогөн удж век төдіс,
Эз дзирья костө топөд лов.
Ас няньөн-солөн нэмсө пөтис,
Кын пачөн некорсө эз ов.

Ми кытчөдз асьным олам-вылам,
Век юрын лоас миян ань.
Сы моз жө төждөн-могөн олой,
Мед ставыс миян вөлі шань.

Сьөлөм бердын

Сиктлөн дона увтасыс и кырйыс,
Муса орча парма вөрлөн мич.
Вежөрүн на, кыдзи ичөтдырйи,
Аддзи югыд дзоридзьяса видз.

Ставыс тайө сьөлөм бердын олө.
Тайө ставыс некор дзик оз вун.
Ставыс тайө меным сідз жө колө,
Кыдзи арын шоныд гожся лун.

*Снимокыс Татьяна КУЗНЕЦОВАЛӨН.
(Өтүввезйын «Мой родной Пожег» котырлөн лист бокысь.)*





«Мед везжөртнү кадсө...»



Ниа пу горын коми литература урок

Альберт ВАНЕЕВ

Ниа

Сикт бокын красуйтчө ниа —
Медвылө лэптөма юр.
Ас синнас адзыліс сійө
Нэм чөжнас омоль и бур.

Төдліс, кыз ур кыйны арын
Восьлалө пищала зон.
Төдліс, кыз гарьясысь тарөс
Азыма увтывлө пон.

Адзывліс шондіа лунъяс,
Адзывліс зэр сора лым.
Юр весьтти неётчыд мунліс
Чардбиөн сьоласьсысь гым.

Нюмъялысь шонді кө авъя,
Мустөм зэв бушковлөн грөз.
Да-й абу өткодьось ставныс
Парматі ветлөдлысь йөз.

Өти морт ветлө да сьылө,
Тшөктө кыз мывкыд да сям.
Пармаыс быттөкө сылы
Чужөмсянь радейтан мам.

Мөдлөн — көть курччалас улыөн,
Синмыс, кыз сутшкасьсысь ем.
Төдсаось найө дзор пулы —
Некымын сэтшөмыс эм.

Төдө, мый войтырыс миян
Унджыкыс сьөлөмнас бур.
Сійөн и радуйтчө ниа,
Катлөдлө чатөртөм юр.





5 класса «Коми литература» учебникö пыртöма А.Е.Ванеевлысь «Ниа» да «Жонь» кывбуръяс. Быд во, «Ниа» кывбур видлаліг да сёрни паніг, тöд выlö челядьлы уськöдлі, мый миян сикт шöрын эм жö ниа пу — медся джуджыд, сиктöн быд пельöссиянь тыдалысь. Но а тавося 5 класса велöдчысьяскöд шуи дзик сы улын нуöдны урок. Водзвыв сеті кывбурсö лыддыны да тöдмавны, кöні татшöм жö пу миян Важгортын, да нуöдны менö, велöдысьöс, сэтчö. Дерт жö, воим Валерий Рудольфович Бутырев керка дорö. Кор матысмим, бура и видлалім ниясö, синмөн судзöдчим сылөн медвылыс чалльöдз, а вежöрын казтыштім, кутшöм пыді, пöрысь да кузь вужъяс му улын кутöны тайö пу-великансö. Миянöс аддзöма да, петіс керкасыс кöзяиныс. Панім ськöд сёрни.



Валерий Рудольфович висьталіс, мый керкаыслы матö сё во, а пуыслы кöкъямысдас гөгöр, и садитлöма ниясö керкаса вöвлöм кöзяиныс. Вылöдз кыпöдчöма туганыс, гөгöр тыдалö, кыз да мыйöн олö Важгортным. Ми босьтім да öтвылысь, пуыслы сиёмөн, лыддим Альберт Ванеевлысь «Ниа» кывбурсö, а Валерий Рудольфович кывзис да шуис, мый медъяна сёлöмас воисны «Аддзывліс шондіа лунъяс, аддзывліс зэр сора лым. Юр весьтти неötчыд мунліс чардбиён сёласысь гым» кывъяс. Ниа пу образ пыр гөгöрвоана, мый крепыд мортöн колö лоны тайö олöмас.

Сэккості миян дорö лэбисны да пуксялісны гулюяс. Вöлöмкö, Валерий Рудольфович чöсмöдлö найöс зөр тусьöн, ёртасыö лэбачьяскöд, найö кылöны мортлысь шаньлунсö. И тайö здукö воис мöвп, мый «Жонь» кывбур пыр позьö аттьöавны став лэбачсö, коді кольччö төвйыны морт дорö да терпитö кöдзыдсö. Дерт жö, öтвылысь лыддим и «Жонь» кывбур, тшöтш и гулюяслы сиёмөн: «А мый Войвывтö ассьыд он коль, тэныд аттьö сэсь, зэв ыджыд аттьö!»

Миян артмис сёлöмсянь сёрни, дерт, керкаса кöзяинлы кутшöмакö виччысьтöм, но öд татшöм здукъяс и нуöны ас пытшкын олöмлысь шоныд русö. Тöдчöдім и Альберт Ванеевлысь кужанлунсö осьтыны мортлысь олöм кылан да вежörtан сёлöмсö.

Мöд урок вылын сёрни муніс водзö. Выльторйөн челядьлы лоис, мый мöд тöдчана гижысь Вениамин Чисталёвлөн ниа пу вöлöма радейтанаөн, торъя мöвп да вын нуысьöн. Тайö гижысьыс вöлöма велöдысьöн да челядькöд öтув садитлöма Помöсдін шөрö ниа пуяс. Пуясыс öні на казтылöны ыджыд мортлысь олöмсö да вöчöмторъяссö, быттö поэт нюжöдö кисö миян нэмö...

Татшöм пуяс улын эськö сулалыштны кö миянлы, Коми муын быдмöм став ныв-зонлы, босьтны ас пытшкö мыйкö куслытöмöс. Миян Важгортын колö жö пуктыны сад сотчöм вичкo местаö. Тайöс кö вöчам, öнія том войтыр ас нэмөн на аддзыласны быдмöм пуяссö, медым вежörtны кадсö...

Ирина КАЛИНИНА,
Важорт школын

коми кыв да литература велöдысь.
Снимокъясыс авторлөн.



ЙӖРДАН

«ТайӖ вӖлі дженъидик здук...»

Евгений ВАЛЕРИАН

Бус сад

БаблӖн ен пельӖсас вӖлі аслыспӖлӖс Райса сад, лагунӖ овмӖдӖм бус сад. Кызди помнита, пыр сӖні сулалӖс. Вьль во лунгьясӖ садйыслӖн вӖснъидик вожгьяс вылӖ баб кӖлавлӖс мича-мича чачаяс — эзысь лымйӖн тыртӖм ичӖтик керка, кытчӖ уна во нин оз волывлы «вошӖм пиыс» — миян «вежай», дядя Авинир. Вежайнас сйӖ лоӖ миян медся ыджыд воклы, но дзолядырйи ставӖн шуим вежайӖн.

Авинир, Виня — баб шуккыв* — лӖбалӖ кӖнкӖ Диксон-Хатанга-Печора-Нярьян-Маргьясын и сылы век некор; мича чачаясыс баблы казгытылысны вошӖм писӖ, и быд Вьль во ӖшлывлӖс да висьтавлӖс, мый

тайӖ чачаяссӖ дядя Авинирыд да тӖтя Идаыд ньӖблӖмаӖсь Марина нылыслы... сйӖтӖ да сйӖтӖ карын.

Уна во мысти ми тӖдмалӖм, мый найӖ юксӖмаӖсь. Став кӖлуйсӖ и тайӖ чачаяссӖ миян ичӖтдырйи на вайӖмаӖсь Язель станцияӖ. Помнитышта, тӖв шӖрын папа да дядя Юрик машинаӖн вайисны ЭжолӖ кӖлуйсӖ; гардероб да кыскассяна шкап Ӗні на ми ордын сулалӖны... и уна во сӖсся баб ӖшлывлӖс чачаяссӖ бус сад вылас да висьтавлӖс налӖн шуда олӖм йылысь. А ми эским, сы понда мый татшӖм мича чачаясӖн оз позь овны лӖка...

Чача кудйыс коркӖ сӖсся воис ми ордӖ. Вьль во лунгьясӖ вӖлі лӖчӖдам йирк вылысь, ёлка сувтӖдам да рытывбыд ноксям. МукӖд чачаыс пазалӖма нин, но кызкӖ кӖртавлам, йитлам, клеитам, ладмӖдам, гирляндаяссӖ папа кызди вермас лӖсьӖдас, и час кежлӖ Ӗзтылам. Гажыс да шудыс дзоляджык чой-воклы. Да и миянлы!

КвайтымынӖд вояссянь сйӖ гирляндаыс да дождик-чачаясыс гажӖдісны миянӖс, сӖсся и Ваня воклысь челядсӖ. Но тайӖ нин мӖд история...



Снимокыс Ӗтуввезйысь.

Ензж йир садмӖм йылысь насйӖдгьяс

Асгья шондӖ водзын дзирдалысь лысва войт казьялӖм бӖрын думыштсис: найӖ сымдаӖн, а югнитлӖ сӖмын Ӗти. ТайӖ, дерт, сы вӖсна, мый веськаліс менам синвидзӖдлас да шондӖ югӖр костӖ. Вешйышта кӖ, вошӖ, а дзирдавны пондас мӖд.

И водзӖ: а эз-Ӗ вермы лоны сӖдзи, мый космос йирас кутшӖмкӖ бус чир веськаліс ШондӖ да Сы костӖ, и Мувыв олӖм чужтысь чуймӖмысла падмыліс здук кежлӖ.

Сылы тайӖ вӖлі дженъидик здук, а миянлы бергӖдчис помтӖм олӖмӖн.

* Шуккыв — нв. тані: шуӖм серти



Джадж

Ме косья казгыштны миян керкаын дас вит во нин ошалысь ас вочом джадж йылысь. Стөчджыка кө, сійос ми выль керкао вуджигон тшөгш босьтім мукод колана эмбуркод. Козьналіс меным джаджсө классной рыт дырйи приютса өти зонка. Велөдчим сэки квайтөд классын, и рытгяссө миянлы нуөдлісны тшөкыда, торъя нин нимлунгяс пасйом могысь. Татшөм рыт водзас ми пыр жребий чөвтім, кодды кутам лөсьодны козинсө. Ог нин помнит, коді ертгяс пиысь сэки сюрис меным, а менсым нимос кыскис Вася, Діурса приютө неважон воом зонка.

Приютыс сулаліс миян важ керка дорын (өні челядь керкаыс оз нин уджав). Ми, Діурса челядь, өдйө велалім, мый школааным пыр локтоны приютсаяс да некымын төлысь велөдчөны миянкөд. Дерт, челядь керкаын вөліны и сэтшөмгяс, кодгяс олісны сэні школа помавтөдз. Миян классын сэтшөм кагаыс эз вөв. Но, та вылө видзөдтөг, өкмыс онас миянкөд удитісны велөдчыштны приютысь эз этша челядь. Ми эг өна зильөй сибөдчыны выль одноклассникгяс дорө, но ертасим накөд. Сідзжө кокниа лоим ертгясон и Васякөд.

Вася вөлі тешкодь зонкаон, пыр серөдіс миянос переменяяс дырйи, коть и радейтис жө нимтысьыштны. Выльяс йылысь ми төдлім этша, но Васялөн оломыс вөлі мукөдысь торъяланаон, та вөсна став школаыс регыд кутіс сы йылысь сёрнитны. Ставлы төдса: челядь сюрөны приютө оз бур оломысь, оз төждысьысь бать-мам дорысь. Вася быдмөма мамтөг, батыс сылөн өна юома да тшөкыда кольывлөма писө дыр кежлө иган сайын. Приютө зонка сюрөма сы бөрын, кор батыс бара томнавлөма Васяос некымын лун кежлө кодзид керкаын. Сёяныс абу вөлөма, и зонка пуөма да сёйөма ассыс каньсө. Зонкаос батыс дорысь босьтөмаось, но кань виөм йывсьыс юөрыс зэв өдйө паськаліс, да Васяос ставон кутісны төдны кыдзи кань сёйысьос. Нывкаяс эськө өна жалитісны каньос да мыждісны Васяос, но синмас сылы некод нинөм эз висьтав. Ми төдім: регыд зонкаос нуөдасны мөд приютө...

Вася сюрлі сөмын өти классной рыт вылө, кодос ме и өні, уна во кольөм бөрын, ог вермы вунөдны. Козингясон вежсигон ми пыр неуна майшасьлім. И тайө гөгөрвоана, өд көсйим, медем ертнымлы лои сьөлөм вылас лөсьыд, да и аслыным, дерт, коліс эськө бур козин, а эз кутшөмкө ковтөмтор. И со ми пондім вежласьны ньөбөм козингясон... Ме дорө матыстчис Вася и нюжөдіс меным... ас вочом джадж. Синмыс югьяліс, тыдаліс, мый зонкалы кажитчө вөчөмторйыс. Помнита, велөдысьным Васяос өна и ошкис, а ме неуна шөгө уси. Но а мый эськө вермис ньөбны приютса кага?

Кор ме лэччи гортө да петкөдлі козинос бать-мамлы, найө дзик пыр заводитісны нимкодясьны джаджнас. Мамө пасйыштис, кутшөм мичаторгяс артмөны приютса челядьлөн ки помысь. А батьө дзик пыр өшөдіс джаджсө мыссян доз бокө, недыр мысти мавтис сійос лакон, а сэсса и еджыд краскаон. Тадз Васялөн вөчөмторйыс лоис миян керкаын вежны позьтөмон, тадз сійө вуджис выль керкао.

Джаджйыс и өні на вылькодь. Кор ме воывла гортө да син улө усьлө Васялөн козиныс, тшөкыда казгытывла джаджйыслысь «олан туйсө». Кужө эмбурыс видзны көзяин йывсьыс паметьсө. А Васякөд ми сэсса эг и паныдасьлөй и ог нин вочаасьлөй некор. Миян районын кутшөмкө школа помалөм бөрын зон лоома көр видзысьон. Тундраас сійө лыйөма асьсө пищальысь. Сэки Васялы вөлөма дас көкьямыс арөс.

ӨЗИМ

Дона велөдчысыя, бара вөзъям тиянлы кыв да мөвпаланног сөвмөдны отсалысь угжъяс. Виччысям на серти лөсьөдөм гижөдъяснытө. Письмөяс позьö ыстыны мян пошта вылө (y.y2014@list.ru) либө татишөм адрес серти: Сыктывкар, К.Маркс улица, 229 керка, «Йöлöга» газет редакция, «Ы» петас.

А тайö номерын йöзöдам Коми Республикаса Юралысь бергын искусство гимназияын велөдчысыяслысь гижөдъяс.

Менö тэ эн вөрöд,
Сьöкыд менам ловлы.
Коли ме туй шөрö:
Уна шог öд овлö.

Полина ЛЬВОВА

Тапъяла кор гажа вөрöд,
Ёльяс пöлөн, визир шөрöд,
Сэтшöм лөсьыд менам ловлы –
Сöмын гортын тадзи овлö.

Виктория МОРОХИНА

Лолöй шöйтö пемыд вöрын,
Кодзув лыддö енэж шöрын.
Таысь пырджык кокни ловлы,
Буретш вöтъясын сідз овлö.

Татьяна ЗАЙКОВА

1. Гиж панторим – кывбур, кодын став кыв гозйыс артмөдö рифма.

Виглöг:

Мыла шылад ылöдз кылö.

2. Лөсьöд мойд тайö шусьöг сертияс: «Лягушкалы удайтчис кырбөр чеччыштны».

3. Гиж тавтограмма – кывбур, көні став кывйыс пансьö öткодь шыпассянь.

Виглöг:

Сьöлөм сёрни –
Синмысь-синмö.
Сöмын сёрним –
Сотчис сисьным.

4. Лөсьöд серпасалан кадакывъяс отсöгөн «Тувсовъя шылад» висът.

5. Комиöд Мацуо Басёлысь хоккуяс.

С треском лопнул кувшин:
Ночью вода в нём замёрзла.
Я пробудился вдруг.

Эй, мальчик-пастух!
Оставь же сливе немного веток,
Срезая хлысты.

Снова встают с земли,
Тускнея во мгле, хризантемы,
Прибитые сильным дождём.

Молись о лучших днях!
На зимнее дерево сливы
Будь сердцем похож.



Редколлегия:

Елена Афанасьева, Алёна Шомысова,
Павел Симпелев, Мария Игушева.

